

zaštitu od prirodnih i drugih nesreća („Službene novine Federacije Bosne i Hercegovine“, br. 4/12 i 80/13), na prijedlog Kantonalne uprave civilne zaštite, Vlada Tuzlanskog kantona, na sjednici održanoj dana 20.11.2014. godine, d o n o s i

## **ODLUKU O DODJELI POMOĆI OPĆINAMA IZ SREDSTAVA POSEBNE NAKNADE ZA ZAŠTITU OD PRIRODNIH I DRUGIH NESREĆA**

### **I. OSNOVNE ODREDBE**

#### **Član 1. (Pravni osnov)**

Ovom odlukom uređuju se vrste, visina, kriteriji i postupak za dodjelu pomoći općinama, rokovi za korištenje pomoći i kontrola utroška sredstava posebne naknade za zaštitu od prirodnih i drugih nesreća koja pripadaju Tuzlanskom kantonu (u daljem tekstu: Kanton), za slučajeve navedene u članu 183. stav 1. tačka 8. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10) (u daljem tekstu: Zakon o zaštiti i spašavanju) i u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, br. 4/12 i 80/13) (u daljem tekstu: Odluka o korištenju posebne naknade).

#### **Član 2. (Organi nadležni za potrošnju sredstava)**

(1) Sredstva posebne naknade za zaštitu od prirodnih i drugih nesreća (u daljem tekstu: posebna naknada) su novčana sredstva koja se prikupljaju u skladu sa članom 180. Zakona o zaštiti i spašavanju i koja se vode na posebnom transakcijskom računu otvorenom kao podračun u okviru jedinstvenog računa Kantona, na budžetskoj poziciji 26010002.

(2) Kantonalna uprava civilne zaštite (u daljem tekstu: Kantonalna uprava), u saradnji sa Ministarstvom finansija Tuzlanskog kantona (u daljem tekstu: Ministarstvo finansija), rješava pitanje korištenja sredstava koja pripadaju Kantonu, u skladu sa Odlukom o korištenju posebne naknade i ovom odlukom.

### **II. VRSTE I VISINA POMOĆI**

#### **Član 3. (Namjena sredstava za sufinansiranje općina)**

(1) Iz sredstava posebne naknade, koja pripadaju Kantonu, može se, prema potrebi, pružati finansijska i materijalna podrška općinama u ostvarivanju njihovih zadataka zaštite i spašavanja, i to za:

- a) opremanje općinskih struktura civilne zaštite,
- b) pripremanje, obuku i vježbe općinskih struktura civilne zaštite,
- c) pomoć u saniranju posljedica prirodnih i drugih nesreća,
- d) sufinansiranje projekata preventivnih mjera zaštite i spašavanja, a za koje je glavnina sredstava osigurana u budžetu općine,
- e) udruživanje sredstava posebne naknade sa općinama, kantonima i Federacijom Bosne i Hercegovine (u daljem tekstu: Federacija), u zajedničkim projektima razvoja sistema zaštite i spašavanja.

(2) Sredstva posebne naknade, utvrđena za namjene iz ovog člana, moraju biti sastavni dio planske projekcije budžeta Kantona, na osnovu kojeg Kantonalna uprava donosi Godišnji plan korištenja sredstava posebne naknade za sredstva koja pripadaju Kantonu, uz pribavljeno mišljenje Kantonalnog štaba civilne zaštite.

(3) Kantonalna uprava je dužna podnijeti Ministarstvu finansija Plan korištenja sredstava posebne naknade.

(4) Kantonalna uprava učestvuje u sufinansiranju, za slučajeve iz stava (1) ovog člana, najviše do 50% od vrijednosti konkretnog projekta ili aktivnosti, a u slučajevima pod a), b), c) i

d) ta sredstva ne mogu preći visinu sredstava koje ulaže općina u konkretni projekat ili aktivnosti.

(5) Kantonalna uprava vodi evidenciju korištenja sredstava posebne naknade iz ove odluke.

#### Član 4.

##### (Pomoć za opremanje općinskih struktura)

(1) Pod opremanjem struktura, iz člana 3. stav (1), tačka a) ove odluke, podrazumijeva se opremanje neophodnom opremom, koja je posebnim propisima ili projektima od zajedničkog interesa utvrđena kao obaveza ili kao minimum neophodan za izvršavanje definisanih zadataka.

(2) Godišnjim Planom korištenja sredstava posebne naknade utvrđuje se iznos sredstava za ove namjene, s tim da visina sredstava za opremanje struktura civilne zaštite, predviđenih za podršku općinama, ne može prelaziti jednu polovinu prikupljenih sredstava posebne naknade u tekućoj godini i slobodnih sredstava posebne naknade iz prethodnih godina, utvrđenih u tački VIII. stav 2. Odluke o korištenju posebne naknade.

(3) Strukture iz stava (1) ovog člana su: općinski štab civilne zaštite, operativni centar, službe zaštite i spašavanja, jedinice civilne zaštite, povjerenici civilne zaštite.

(4) Pod opremanjem struktura podrazumijeva se, pored novčanih sredstava, i dodjela opreme koju Kantonalna uprava pribavi putem javnih nabavki za strukture iz stava (3) ovog člana.

(5) Kantonalna uprava predlaže, a Kantonalni štab civilne zaštite odlučuje o korištenju sredstava iz ovog člana, na način da za svaki pojedinačni utrošak donosi odluku, na osnovu godišnjeg plana iz stava (2) ovog člana.

#### Član 5.

##### (Pomoć za pripremanje, obuku i vježbe općinskih struktura)

(1) Pod pripremanjem, obukom i vježbama struktura, iz člana 3. tačke b) ove odluke, smatraju se aktivnosti koje su planirane u tekućoj budžetskoj godini, u cilju pripremanja, obuke i vježbi navedenih općinskih struktura, na način i po programima definisanim zakonom i drugim propisima iz ove oblasti.

(2) Godišnjim Planom korištenja sredstava posebne naknade utvrđivat će se iznos sredstava za ove namjene, a iz sredstava iz tačke IX Odluke o korištenju posebne naknade, s tim da visina sredstava za pripremanje, obuku i vježbe, predviđenih za podršku općinama, ne može prelaziti jednu polovinu prikupljenih sredstava posebne naknade u tekućoj godini i slobodnih sredstava posebne naknade iz prethodnih godina, utvrđenih u tački IX. navedene Odluke.

(3) Strukture iz stava (1) ovog člana su: općinski štab civilne zaštite, operativni centar, službe zaštite i spašavanja, jedinice civilne zaštite, povjerenici civilne zaštite.

(4) Kantonalna uprava predlaže, a Kantonalni štab civilne zaštite odlučuje o korištenju sredstava iz ovog člana, na način da za svaki pojedinačni utrošak donosi odluku na osnovu godišnjeg plana iz stava (2) ovog člana.

#### Član 6.

##### (Pomoć općinama u saniranju posljedica prirodnih i drugih nesreća)

(1) Pomoć općinama u saniranju posljedica prirodnih i drugih nesreća, u smislu člana 3. tačke c) ove odluke, podrazumijeva sufinansiranje istih, uz uslov da nisu u cijelosti finansirane po drugim osnovama u Kantonu.

(2) Godišnjim planom korištenja sredstava posebne naknade utvrđivat će se iznos sredstava za ove namjene, s tim da visina sredstava za saniranje šteta, predviđenih za podršku općinama, ne može prelaziti jednu polovinu sredstava posebne naknade prikupljenih tokom kalendarske godine i slobodnih sredstava posebne naknade iz prethodnih godina, utvrđenih u tački VI. stav 2. Odluke o korištenju posebne naknade.

(3) O osnovanosti zahtjeva za pomoć, u smislu ovog člana, svoje mišljenje daje Kantonalna komisija za procjenu šteta, na osnovu ponuđene dokumentacije.

(4) O korištenju sredstava iz ovog člana odlučuje Kantonalni štab civilne zaštite, na prijedlog Kantonalne uprave.

#### Član 7.

##### (Pomoć za preventivne mjere i projekte)

(1) Pomoć općinama kao sufinansiranje projekata preventivnih mjera zaštite i spašavanja, u smislu člana 3. tačka d) ove odluke, vrši se pod uslovima:

a) da su isti odobreni od općinskog načelnika/gradonačelnika,

b) da su preventivne mjere / projekti prethodno utvrđene / i u programu razvoja, planu zaštite i spašavanja općine i godišnjem planu korištenja posebne naknade, i

c) da je za ove projekte glavina sredstava osigurana u budžetu općine.

(2) Koji će se projekti prevencije na području općine sufinansirati iz sredstava posebne naknade odlučuje općinsko/gradsko vijeće, na prijedlog općinske službe civilne zaštite i uz prethodno pribavljeno mišljenje općinskog štaba civilne zaštite.

(3) Godišnjim planom korištenja sredstava posebne naknade u Kantonalnoj upravi utvrđivat će se iznos sredstava za ove namjene, s tim da visina sredstava za sufinansiranje projekata preventivnih mjera zaštite i spašavanja, predviđenih za podršku općinama, ne može prelaziti jednu polovinu slobodnih sredstava posebne naknade tekuće i iz prethodnih godina, utvrđenih u tački VII. stavovi (1) i (2) Odluke o korištenju posebne naknade.

(4) O prijedlogu projekata prevencije koji će se sufinansirati iz sredstava posebne naknade koja pripadaju Kantonu odlučuje Vlada Tuzlanskog kantona, na prijedlog Kantonalne uprave, uz prethodno pribavljeno mišljenje Kantonalnog štaba civilne zaštite.

#### Član 8.

##### (Zajednički projekti razvoja sistema zaštite i spašavanja)

(1) U realizaciji zajedničkih projekata razvoja sistema zaštite i spašavanja, koji su od značaja za više općina, za Kanton ili za Federaciju, u smislu člana 3. tačke e) ove odluke, mogu se udruživati sredstva posebne naknade koja pripadaju Kantonu, sa općinama, drugim kantonima i Federacijom.

(2) U slučaju iz stava (1) ovog člana, može se raditi i o preventivnim mjerama, koje su u funkciji sprečavanja nastanka prirodnih i drugih nesreća ili ublažavanja djelovanja tih nesreća.

(3) U slučajevima iz stavova (1) i (2) ovog člana neophodno je da su projekti utvrđeni u pogramskim i planskim dokumentima zaštite i spašavanja općina, kantona ili Federacije, definisanim Zakonom o zaštiti i spašavanju (program razvoja i godišnji plan realizacije programa).

(4) Godišnjim Planom korištenja sredstava posebne naknade utvrđivat će se iznos sredstava za ove namjene, s tim da visina sredstava za udruživanje ne može prelaziti 20% slobodnih sredstava posebne naknade za zaštitu i spašavanje iz prethodnih godina, kumuliranih na podračunu.

(5) O prijedlogu zajedničkih projekata, u smislu ovog člana, koji će se sufinansirati iz sredstava posebne naknade koja pripadaju Kantonu, odlučuje Vlada Tuzlanskog kantona, na prijedlog Kantonalne uprave, uz prethodno pribavljeno mišljenje Kantonalnog štaba civilne zaštite.

### III. OPĆI I DODATNI KRITERIJI ZA DODJELU POMOĆI

#### Član 9.

##### (Opći kriteriji za dodjelu pomoći općinama)

(1) Za dodjelu pomoći općinama, iz člana 3. ove odluke, primjenjuju se sljedeći opći kriteriji, i to:

a) da je formirana služba civilne zaštite općine, u skladu sa članom 31. Zakona o zaštiti i spašavanju (kao dokaz smatra se: izvod iz Statuta ili Pravilnika o sistematizaciji ili odluka o formiranju službe ili drugi dokaz koji nedvosmisleno ukazuje na to);

b) da je formiran općinski štab civilne zaštite (kao dokaz smatra se: odluka/rješenje o formiranju štaba);

c) da je donesena procjena ugroženosti općine od prirodnih i drugih nesreća (kao dokaz smatra se: odluka/zaključak o usvajanju procjene);

d) da je donesen plan zaštite i spašavanja od prirodnih i drugih nesreća općine (kao dokaz smatra se: odluka/zaključak o usvajanju plana);

e) da je donesen program razvoja zaštite i spašavanja općine (kao dokaz smatra se: odluka/zaključak o usvajanju programa);

f) da općina ima organizovane snage civilne zaštite (kao dokaz smatra se: odluka ili drugi akt o organizovanju jedinica, službi i drugih struktura civilne zaštite);

g) da je zahtjev za dodjelu pomoći cjelovito obrazložen i dokumentovan (treba priložiti odgovarajuće dokaze, kao što su: izvod iz programa razvoja, izvod iz plana zaštite i spašavanja, projekat, predračun radova, dokaz da je projekat planiran za realizaciju u toku godine i slično);

h) da se sredstva posebne naknade vode na posebnom namjenskom transakcijskom računu (priložiti dokaz iz kojeg se nedvosmisleno vidi da je račun otvoren);

i) da općina dostavi podatke o visini sredstava posebne naknade u prethodnoj kalendarskoj godini (kao dokaz smatra se: izvod sa transakcijskog računa ili drugi finansijski dokaz iz kojeg je moguće utvrditi visinu sredstava).

(2) Za svaki od kriterija iz stava (1) ovog člana, podnosilac zahtjeva za dodjelu pomoći dužan je priložiti odgovarajući dokaz, izuzev ukoliko isti Kantonalna uprava posjeduje u svom registru za određenu općinu.

### Član 10.

#### (Dodatni kriteriji za dodjelu pomoći općinama)

Subjekti koji ispunjavaju opće kriterije iz člana 9. ove odluke, rangirat će se (po redoslijedu i visini odobrenih sredstava), prema dodatnim kriterijima, i to:

1. Da je priliv sredstava posebne naknade u općini (član 9, stav (1), tačka i):

a) veći od 50% od prosjeka ukupno ostvarenog priliva na Kantonu (priliv u svim općinama, podijeljeno sa brojem općina)..... 5 bodova

b) između 30% do 50% ..... 3 boda

c) manji od 30%..... 1 bod

2. Planirana sredstva u budžetu općine za saniranje šteta u prethodnoj godini (bez sredstava posebne naknade) su:

a) veća od 0,50 % budžeta općine .....10 bodova

b) 0,3 % do 0,5 % budžeta općine .....8 bodova

c) ispod 0,3% budžeta općine.....4 boda

d) nisu planirana sredstva u budžetu općine.....0 bodova

Kao dokaz za ove podatke poslužit će ovjeren izvod iz budžeta općine za prethodnu godinu i knjigovodstvena evidencija iz koje je vidljiv ukupan priliv posebne naknade u prethodnoj godini (analitičke kartice).

3. Značaj projekta:

a) opremanje struktura iz člana 4. ove odluke, i to:

- planirana vrijednost projekta do 5.000,00 KM.....2 boda

- planirana vrijednost projekta 5.000,00 – 10.000,00 KM... ..4 boda

- planirana vrijednost projekta 10.000,00 – 15.000,00 KM... ..6 bodova

- planirana vrijednost projekta 15.000,00 – 20.000,00 KM... ..8 bodova

- planirana vrijednost projekta preko 20.000,00 KM.....10 bodova

b) obuka struktura iz člana 5. ove odluke, i to:

- planirana vrijednost projekta do 1.000,00 KM.....2 boda

- planirana vrijednost projekta 1.000,00 – 2.000,00 KM... ..4 boda

- planirana vrijednost projekta 2.000,00 – 5.000,00 KM... ..6 bodova

- planirana vrijednost projekta 5.000,00 – 10.000,00 KM... ..8 bodova

- planirana vrijednost projekta preko 10.000,00 KM.....10 bodova

c) saniranje posljedica prirodne ili druge nesreća iz člana 6. ove odluke na:

- poljoprivrednom zemljištu i pomoćnim objektima.....2 boda

- lokalnoj infrastrukturi i objektima stanovanja, koji zahtijevaju hitno saniranje i ne predstavlja redovno održavanje.....4 boda

- objektima veće vrijednosti i dijelovima naselja (zaseoci), koji zahtijevaju hitno saniranje.....6 bodova

- infrastrukturi od značaja za cijelu mjesnu zajednicu, koji zahtijevaju hitno saniranje i ne predstavlja redovno održavanje.....8 bodova

- infrastrukturi od značaja za dvije i više mjesnih zajednica ili općinu, koji zahtijevaju hitno saniranje i ne predstavlja redovno održavanje .....10 bodova

d) preventivni projekti iz člana 7. ove odluke:

- ukupne vrijednosti do 10.000,00 KM.....1 boda

- ukupne vrijednosti od 10.000,00 – 50.000,00KM 4 boda

- ukupne vrijednosti 50.000,00 -100.000,00 KM 8 bodova

- ukupne vrijednosti preko 100.000,00 KM ..... 10 bodova

e) udruživanje sredstava posebne naknade u zajedničke projekte;

iz člana 8. ove odluke, sa:

- jednom općinom, a od značaja je i za Kanton.....4 boda

- dvije i više općina..... 6 bodova

- drugim kantonom.....8 bodova

- Federacijom.....10 bodova

Kao dokaz za ove podatke treba dostaviti ugovor sa drugim općinama, drugim kantonom ili Federacijom, ili drugi dokument iz kojeg je vidljivo da se radi o zajedničkom projektu.

4. Princip solidarnosti prema nerazvijenim općinama.

Broj bodova stečen po prethodnim kriterijima za općine: Dobož Istok, Čelić, Sapna, Teočak i Kladanj uvećava se za..... 20%.

## IV. POSTUPAK ZA DODJELU POMOĆI

### Član 11.

#### (Pisani poziv općinama i zahtjev za dodjelu pomoći)

(1) Kantonalna uprava upućuje pisani poziv za dodjelu pomoći (sufinansiranje), za jednu ili više namjena, kako je to navedeno u članu 3. stav (1) ove odluke, svim općinama na Kantonu.

(2) Pisani poziv iz stava (1) ovog člana, u pravilu, upućuje se u prvoj polovini kalendarske godine, a izuzetno, ako iz objektivnih razloga to nije bilo moguće, pisani poziv se može uputiti i u toku godine, s tim da se realizacija projekta i izvještaj moraju pomjeriti na razuman rok.

(3) Zahtjev za dodjelu pomoći, u skladu sa ovom odlukom, podnosi općinski načelnik/gradonačelnik, u roku od 30 dana nakon što Kantonalna uprava uputi pisani poziv iz stava (1) ovog člana.

(4) Pisani zahtjev mora sadržavati podatke u koju svrhu i u kojem iznosu se pomoć traži, detaljno obrazloženje planiranih aktivnosti i odgovarajuće dokaze i dokumentaciju.

(5) Općina je dužna u zahtjevu kandidovati projekte koji su planirani, pripremljeni i objektivno izvodivi u utvrđenim rokovima iz ove odluke. Ako je za izvođenje radova uslov izrada projektne dokumentacije, općina može kandidovati njenu izradu i zatražiti novčanu ili drugu pomoć za istu.

### Član 12.

#### (Postupanje po zahtjevu za dodjelu pomoći)

(1) U slučaju da zahtjev i dokumentacija iz člana 11. ove odluke nisu potpuni, rukovodilac Sektora za zaštitu i spašavanje, zaštitu od požara i vatrogastvo će u pisanoj formi zatražiti od podnosioca zahtjeva za dodjelu pomoći da iste dopuni u roku od pet dana, a ako to ne učini smatrat će podnijeti zahtjev neurednim i neće ga dalje razmatrati.

(2) Radni materijal za dodjelu pomoći, iz stava (1) ovog člana razmatrat će Stručni kolegij Kantonalne uprave, tako što će:

- izvršiti preglede primljenih prijedloga – projekata,

- izvršiti odabir uspješnih prijedloga – projekata,

- za svaku vrstu pomoći iz člana 3. stav (1), tačke a) do e) ove odluke, odnosno za onu za koju je upućen javni poziv općinama, sačiniti listu općina sa projektima, predložiti pojedinačne novčane iznose za svaku općinu i predložiti način isplate.

(3) Visina iznosa pomoći pojedinoj općini, po svakoj vrsti pomoći, utvrđuje se na način da se:

- prvo utvrdi ukupan broj bodova svih prijavljenih općina, po svakoj od vrsta pomoći iz člana 3. ove odluke,

- da se ukupan broj bodova stavi u odnos prema raspoloživim sredstvima posebne naknade za dodjelu pomoći za svaku vrstu pomoći (dobije se vrijednost jednog boda),

- da se pomnoži broj bodova pojedine općine sa utvrđenom vrijednosti jednog boda.

(4) U slučaju da jedna općina aplicira za više projekata, cijenit će se jedan do dva projekta, a izuzetno i više (ukoliko to općina argumentovano dokumentuje i ako su projekti manje vrijednosti), s tim da se visina iznosa koji općina dobije, na način definisan u stavu (3) ovog člana, dijeli na dva ili više odobrenih projekata.

(5) Nakon provedenog postupka, u smislu ovog člana, direktor Kantonalne uprave dostavit će prijedloge za dodjelu pomoći nadležnim organima iz člana 4. stav (5), člana 5. stav (4), člana 6. stav (4), člana 7. stav (4) i člana 8. stav (5) ove odluke, sve u zavisnosti o kojoj vrsti i za koje namjene se odnosi pomoć općinama.

(6) Od dana upućivanja pisanog poziva iz člana 11. stav (1) ove odluke, pa do utvrđivanja prijedloga za dodjelu pomoći, ne smije proći više od 90 dana.

### Član 13.

#### (Ograničenja za podjelu pomoći)

Ukoliko se u postupku utvrdi da je po vrstama pomoći za pružanje finansijske i materijalne podrške općinama, iz člana 3. tačke a), b), c), d) i e) ove odluke, prijavljeno i bodovano:

a) 8 i više općina, planirana sredstva za pomoć i podršku će se u cijelosti podijeliti,

b) 3 do 7 općina, sredstva će se podijeliti u iznosu do 50% planiranih sredstava za tu namjenu,

c) manje od 3 općine, planirana sredstva se neće dijeliti, izuzev u slučaju pod tačkom e) člana 3. ove odluke i zavisno od značaja zajedničkog projekta.

### Član 14.

#### (Odluke i ugovori za dodjelu pomoći)

(1) Sredstva za dodjelu pomoći i podršku, nakon ispoštovane procedure iz člana 4. stav (5), člana 5. stav (4), člana 6. stav (4), člana 7. stav (4) i člana 8. stav (5) ove odluke, pojedinačnim odlukama dodjeljuje direktor Kantonalne uprave.

(2) U skladu sa odlukom o dodjeli pomoći iz stava (1) ovog člana, između Kantonalne uprave i općine kojoj je pomoć dodijeljena, zaključuje se ugovor o korištenju sredstava posebne naknade.

### Član 15.

#### (Načini dodjele sredstava)

(1) Sredstva pomoći uplaćuju se direktno na namjenski transakcijski račun, odnosno podračun budžeta općine za sredstva zaštite i spašavanja.

(2) Izuzetno, kada se radi o pomoći-podršci, iz člana 4. stav

(3) ove odluke, Kantonalna uprava može, u skladu sa odlukom Kantonalnog štaba civilne zaštite, provesti proceduru javne nabavke i pomoć dodijeliti u opremi i sredstvima.

## V. ROKOVI ZA KORIŠTENJE POMOĆI I KONTROLA UTROŠKA

### Član 16.

#### (Izvjestavanje i rokovi za utrošak sredstava)

(1) Dodijeljena pomoć se može koristiti isključivo u odobrenu namjenu.

(2) Općina, kojoj je dodijeljena pomoć u smislu odredaba ove odluke, obavezna je podnijeti detaljan izvještaj i opravdati potrošnju tih sredstava do kraja kalendarske godine, a samo u izuzetnim slučajevima, kada je pomoć dodijeljena pred kraj kalendarske

godine ili kada iz opravdanih razloga nije bilo moguće utrošiti dodijeljena sredstva, u razumnom roku u narednoj kalendarskoj godini, ali ne duže od devet mjeseci.

(3) Na pisani i obrazloženi zahtjev općine, rokovi iz stava (2) ovog člana mogu se produžiti, ako su razlozi za nemogućnost izvršenja poslova na datom projektu nastali zbog više sile ili okolnosti koje izvršilac nije mogao objektivno predvidjeti i na njih utjecati. U ovom slučaju može se, nakon procjene od strane Kantonalne uprave, izvršiti izmjena i dopuna ugovora iz člana 14. stav (2) ove odluke, te odrediti drugi objektivno mogući rok za izvršenje obaveze općine.

(4) U rokovima, navedenim u stavovima (2) i (3) ovog člana, općina kojoj je dodijeljena pomoć obavezna je podnijeti detaljan pisani izvještaj i dokumentovano opravdati potrošnju dodijeljenih sredstava (računi, odluke i drugi dokazi o potrošnji).

(5) Izvještaj iz stava (4) ovog člana mora biti potpisan od strane rukovodioca službe civilne zaštite i ovjeren od strane općinskog načelnika/gradonačelnika.

### Član 17.

#### (Kontrola utroška sredstava)

(1) Direktor Kantonalne uprave će, odmah po donošenju odluka iz člana 14. stav (1) ove odluke, formirati komisiju, koja će obići sve lokalitete na području općina, čiji su projekti prihvaćeni za sufinansiranje, izvršiti uvid na licu mjesta, fotografisati zatečeno stanje, a po potrebi sačiniti i zapisnik o istom.

(2) Kantonalna uprava će, i prije isteka rokova iz člana 16. stavovi (2) i (3) ove odluke, najmanje jedanput u toku realizacije projekta izvršiti kontrolu dinamike radova na terenu, a nakon isteka utvrđenih rokova obavezno izvršiti konačnu kontrolu utroška sredstava i realizaciju projekta, izlaskom formirane komisije na lice mjesta, sačinjavanjem zapisnika, te fotografisanjem ili na drugi način dokumentovanjem nađenog stanja.

(3) U slučaju nenamjenskog utroška dodijeljenih sredstava ili u slučaju da općina ne opravda potrošnju dodijeljene pomoći, kako je to navedeno u članu 16. ove odluke, Kantonalna uprava je dužna podnijeti zahtjev za raskid ugovora, jednostrano u pisanoj formi raskinuti ugovor i zatražiti povrat dodijeljenih sredstava.

(4) Kantonalna uprava može raskinuti zaključeni ugovor i ako mu je općina, poslije obavještenja o neposrednoj kontroli i uočenim nedostacima, saopštila (u pisanoj formi ili na zapisnik) da neće ispuniti ugovor ili ako iz okolnosti konkretnog slučaja očigledno proizilazi da neće moći ispuniti ugovor na predviđeni način.

## VI. ZAVRŠNE ODREDBE

### Član 18.

Uz pisani poziv općinama za dodjelu pomoći, definisan u članu 11. ove odluke, Kantonalna uprava civilne zaštite će sačiniti i kao prilog dostaviti općinama i tipske prijavne obrasce, kako bi se ujednačili svi potrebni elementi za vrednovanje zahtjeva.

### Član 19.

Odredbe ove odluke koje se odnose na općinu, shodno se primjenjuju i na Grad Tuzlu.

### Član 20.

Danom stupanja na snagu ove odluke prestaje da važi Odluka o postupku i kriterijima za dodjelu pomoći općinama Tuzlanskog kantona iz sredstava posebne naknade za zaštitu od prirodnih i drugih nesreća („Službene novine Tuzlanskog kantona“, broj: 6/12).

### Član 21.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON  
VLADA

Broj: 02/1-44-025032-4/14  
Tuzla, 20.11.2014. godine

PREMIJER KANTONA

Prof. dr. Bahrija  
Umihanić, s.r.



# SLUŽBENE NOVINE TUZLANSKOG KANTONA

---

GODINA 24 • TUZLA, PONEDJELJAK, 6. NOVEMBAR 2017. GODINE • IZDANJE NA BOSANSKOM JEZIKU • BROJ 16

---

**589**

Na osnovu člana 183. stav 1. tačka 8. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10) i tačke XII stav 2. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, br. 4/12 i 80/13), na prijedlog Kantonalne uprave civilne zaštite, Vlada Tuzlanskog kantona, na sjednici održanoj dana 26.09.2017. godine, donosi

## **ODLUKU**

**o izmjenama Odluke o dodjeli pomoći općinama  
iz sredstava posebne naknade za zaštitu od prirodnih i  
drugih nesreća**

### **Član 1.**

U Odluci o dodjeli pomoći općinama iz sredstava posebne naknade za zaštitu od prirodnih i drugih nesreća („Službene novine Tuzlanskog kantona“, broj: 15/14), u članu 3. stav (4) mijenja se i glasi:

„(4) U slučaju sufinansiranja od strane Kantonalne uprave projekata i aktivnosti iz stava (1) ovog člana, općina je dužna obezbijediti najmanje 10% vlastitih sredstava.“

### **Član 2.**

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON  
VLADA

PREMIJER KANTONA

Bego Gutić, v.r.

Broj: 02/1-44-22057/17  
Tuzla, 26.09.2017. godine